



UNIVERSITÄTS-
BIBLIOTHEK
PADERBORN

Mariae Virginis Sacratiss. Miraculorum Libri Tres

Vismara, Ercole

Mediolani, 1579

Mirac. Virg. XXXVI. Virgo ancillae fit adiutrix, quae licet impudicè cum ,ilite consueisset; in Angelica tamen salutatione frequens erat.

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

MIRAC. VIRG. XXXVI.

*Virgo ancillae fit adiutrix, quae licet impudicè cum milite
consueuisset; in Angelica tamen salutatione frequens erat.*

Militis ancilla, intemperans, & inuerecunda uxoris pellex, cum eo, saepè se probro inquinabat. licet illi tam turpis nota iniusta esset; tamen quotidie ante Virginis imaginem prostrata, ei piè, & sanctè salutationem Angelicam offerebat. Eam rem ubi hera rescituit, & probri omnino conscia facta est, de ancilla perdenda iam consilium inierat. Quodà die contra illà ira exardens; ita cum ea loqui coepit: Profectò te iam ab affinib. meis necandam curassem; quae à me tam saepè maritum meum abducis: at coelestis regis sponsa, me proximè praeterita nocte conueniens, iussit, ut ab omni iniuria abstinerem, quòd ipsius sis ancilla. Eadem pollicita est, futurū ut inter nos pax componeretur, perpetuaq. nobis esset concordia. Hisce uerbis ualde illa commota dixit, qui fieri potest, ò hera, ut me indignam Virgo ancillam suam profiteri, dignata sit? Ecce nunc coeli reginae iussu perpetua pax sit inter nos; neq. ego unquam posthac quicquam faciam, quod animo tuo aduersetur. Quare maturè illinc in aliam ditionē profecta est; ubi sacra religione consecrata, se Deo, ac Virgini in piarū Virginum coenobio illic reliquam aetatem sanctè exactura, dicauit.